

## S'UNDA DE SU TEMPUS

...Una 'ia  
 si peseit s'unda  
 e leit a cabulare  
 in su mare de sa vida.  
 Cando crispa, cando pria.

E-i s'omine si tuccheit  
 daenanti a s'unda  
 cumbintu esseret mere  
 de su mundu intreu.  
 Ite, ch'apat tentu pore  
 chi coizende passu  
 si podiat agattare  
 cun sos pes in s'unda!

Ahi, ahi omine,  
 maistru 'e intzidios  
 e fraigadore de pontes,  
 no crobas un'imbentu  
 chi attravet s'unda  
 chi die pro die  
 a s'anda e torra  
 ti che trazat sa vida.

Una vida prestada,  
 chena unu istrumentu  
 chi nerzat: "Tale die  
 torrat a su mere".

E-i s'unda no perdet passu.  
 Cando crispa, cando pria.  
 A pagu a pagu, a pagu a pagu  
 lassat a posterios,  
 ebbia istigas.

## L'ONDA DEL TEMPO

*...Una volta / si levò l'onda / e prese a camminare / nel mare della vita. /  
 Quando forte, quando lenta.*

*E l'uomo s'incamminò / dinanzi all'onda / convinto d'essere padrone / del  
 mondo intero. / Cosa, che abbia avuto paura / rallentando il passo / poteva  
 ritrovarsi / con i piedi nell'onda!*

*Ahi, ahi uomo, / maestro d'invenzioni / e fabbricatore di ponti, / non trovi un  
 brevetto / per impastoiare l'onda / che giorno per giorno / vai e vieni / ti sottrae  
 la vita.*

*Una vita in prestito, / senza un documento / che dica "Tal giorno / ritorna al  
 padrone".*

*E l'onda non perde passo. / Quando forte, quando lenta. / A poco a poco, a poco  
 a poco / lascia ai posteri / orme soltanto.*